

SCRIPTA

Numéro Scripta : 1906

Auteur(s) : Hugues de Morville, Coutances (évêque)

Bénéficiaire(s) : Coutances (chapitre cathédral)

Genre d'acte : charte

Authenticité : non suspect

Datation : 1235, 16 août

Lieu d'émission : Coutances

Action juridique : autre

Langue du texte : latin

Analyse

Hugues, évêque de Coutances, cède à l'église de Coutances toutes dîmes de tous noales dans le diocèse pour l'usage de ses chanoines.

Tableau de la tradition

Éditions principales

- a. Piolin Paul, Sainte-marthe Denis de, *Gallia Christiana in provincias ecclesiasticas distributa*, t. XI, Paris, Palmé, 1874, Instrumenta ecclesiae Constantiensis, n° XXXIV, col. 259.
- b. Fontanel Julie, *Le cartulaire du chapitre cathédral de Coutances*, Saint-Lô, Archives départementales de la Manche (Sources inédites sur l'histoire du département de la Manche ; 1), 2003, n° 241, p. 373-374.

Texte établi d'après a

Omnibus Christi fidelibus ad quos praesens scriptum pervenerit, Hugo, Dei gratia, Constantiensis ecclesiae minister humilis, aeternam in Domino salutem. Noverit universitas vestra, quod nos qui ad honorem Dei et beatae Mariae semper virginis divinum officium in nostra Constantiensi ecclesia cupimus propensius augmentare, et pensata ejusdem ecclesiae utilitate et necessitate, dedimus et concessimus eidem ecclesiae Constantiensi omnes decimas omnium novalium, quae sunt vel futurae sunt in quacumque parte dioecesis nostrae, extra metas cujuslibet parochiae ad opus communiae Constantiensis, in usus canonicorum ibidem Deo deservientium convertendos ; et insuper dedimus eidem communiae, quicquid percipiebamus in oblationibus in majori altari ejusdem ecclesiae. Debet autem capitulum nostrum de bonis communibus dictae ecclesiae onera quaedam quae ad nos et successores nostros pertinebant in dicta ecclesia sustinere, videlicet in luminari de cera eidem ecclesiae providere, incensum ministrare, custodibus ecclesiae salarium constituere, ita tamen quod illud quod dictis custodibus antiquitus praestabamus, adhuc nos et successores nostri praestabimus in futurum. Item, tenetur in futurum capitulum praedictum ad minutas reparationes circa campanas, videlicet chordis et coriis, et unctura in flagellis, et baltildis renodandis, item mundare ecclesiam, facere pannos lineos lavari, et eosdem et sericos ressuere, claves et seras omnes ecclesiae facere, et catenas thuribulorum reficere, vinum ad missas invenire, natas emere, libros religare, et rotulos qui deferuntur per cathedrales ecclesias pro commemoratione abbatum defunctorum et hujusmodi personarum facienda pagare. Haec autem acta sunt in capitulo nostro generali, dicto capitulo consentiente, et sigillum suum cum sigillo nostro huic scripto apponente, in crastino Assumptionis B. Mariae, anno Domini millesimo ducentesimo tricesimo quinto.